

TE HUI A KINGI MAHUTA.

(*Na te tino apiapi o 'Te Pipi,' i hore ai e taia wawetia enei korero.*)

Kaore ta matou tangata a TIPI-WHENUA i tae ki te hui ki Waahi, te kainga o Kingi Mahuta, i te taenga o te Kawana ki reira. Nga hoa o te Kawana i haere ai ko Rore Pitama te Kawana o Poihakena, he tangata atahua, he taitamariki, ko te Pirimia, ko te Honore Timi Kara, minita o nga Mahi Maori, ko te Honore Waura, minita o nga rerewe, ko etahi mema atu o te Paremata, me etahi atu pakeha.

Na te waka taua o te kingi na Taheretikitiki i whakawhiti i Waikato te ope o te Kawana, i Hanari, te taone i tu ai te tereina, ki Waahi. He paki anake te kakahu o nga kai hoe me te kai-hautu; ko te waka o te peene ki mua tonu arahi ai i te ope rangatira i runga i a Taheretikitiki. Te unga atu o te manuhiri ki Waahi ka pohiritia e Waikato, e Kingi Mahuta, e Kaihau M.H.R., e Tarawhiti te hekeretari a te kingi, me etahi atu rangatira o Waikato. Nga tino kupu a Rore Renewhare he whakamihhi mo te u o te iwi Maori ki te Kuini, mo te noho tahi o nga iwi tokorua o tenei motu i runga i te rangimarie. I tohutohu ano ia kia atawhai kia pai te whakatipu a te Maori i a ratou tamariki kia tae ai ki te wa e whakatipu tamariki ai hoki ratou ka ora a ratou na tamariki. Ki te whakuaaro a te Kawana ma tenei tikanga ara ma te whakatipu pai i nga tamariki ka piki ai te iwi Maori. I whai-korero ano te Kawana o Poihakena.

I tetahi ra mai ka hui ano, he whakarongo ki nga korero a nga minita o te Kawanatanga, he whakatakoto hoki na Waikato i o ratou whakaaro i o ratou mate ki te aroaro o te Kawanatanga. I puta ano nga kupu mo te Pire Poari he whakahe na Kaihau i etahi o nga rarangi o taua pire, otira kaore i tipu totika i a te Hetana nga korero a te Maori. I mea a te Hetana he he ano kei roto i te pire, engari he he ririki ko te kaupapa ia o te pire he pai, a kaati hei tenei tau ka whakahaere ano. I tono te Pirimia kia homai ki a ia nga ingoa o nga tangata whenua-kore, kia marama ai te whakawhiwhi a te Kawanatanga i a ratou ki te whenua. I puta ano tana kupu mo te arai tonu i te hoko i nga whenua Maori ki nga pakeha noa iho, a e whakaaro ana ia kia mutu te hoko a te Kawanatanga i nga toenga whenua o te Maori.

Ahakoa he kohia ano o tenei Kawanatanga, engari e kitea ana to ratou whakuaaro ki te

whakahaere oranga mo te iwi Maori, mo te whenua mo te tinana. I mahara matou na Henare Kaihau te kaupapa o te pire e whakahaeretia nei e te Pirimia. He aha hoki ra ia i tu ai ki te whakahe? Ilanga tata, turaki tata!

HE TIKANGA TINO KINO.

I mea te 'Wairoa Guardian,' te nupepa o Te Wairoa ki te Tonga:—

"I mate tetahi tamaiti Maori, a i runga i ta te Maori tikanga ka timata te uhunga pau noa nga wilki e toru. I tanumia ai te tupapaku na te pakaru tonutanga o te kawhena i te puhaketanga. I te ra i amohia ai te tinana kia tanumia, i te pipiri o te haere a te tangata kore rawa tetahi o nga kai-amo i kaha ki te mea kia matara atu ano tonu iho i te tupapaku, heoi he roa te haerenga i kai ai ia i te haunga. Tena he aha te tukunga iho: E rua ano nga ra i muri mai ka paangia ia e te piwa taipu (typhoid) a kei roto o te hohipea o Te Wairoa ia e takoto ana inaianei! He mea tenei e tino tika ana hei tirohanga ma te Kawanatanga."

Katabi ano te tikanga kuare rawa, mehemea he pono te korero a te nupepa. Ka kawe i te aroha a kia tatakimoori ano, ehara tenei, na wai a na te puhake tonu i wahi te kawhena. Kaore pea ia i penei rawa te whakaputanga i te aroha ki tamaiti nei i te wa e ora ana e mohio ana ki te aroha. Koia nei a taua haere rere ke; ka mate te tangata ka patua hoki nga mea ora. He iwi momohanga taua ata tukuruku marie ana, kua e taia tonu tia; waiho ma te kaha o te mate e tioro. He iwi matakua te Maori i te kehuu, tena ko te tino kehuu ko te piwa, po kaore e arotia ake. E e ngati taua, e ngati-taua!

TE PIPIWHARAUROA.

TE WHAIKORERO A TE PIHOPA KI TE HUI KI WHAREKAHIKA.

E hoa ma, e nga Minita, e nga Mangai o te iwi. Tena koutou!

Ka 30 enei tau i mahi ai te Hui o te Hahi Maori ki tenei takiwa, me te kimi tonu, i ia tau, i ia tau, i nga mea e kaha ai te tupu o nga mahi a te Hahi. E kimi tonu nei hoki, me te ngaro atu ano te mea e kinihia nei, kahore ano kia ata kitea, ina hoki kahore ano kia ata tupu nga mahi a te Hahi i roto i a tatou. Tenei ano ia etahi whare-karakia hou kua oti te hanga: kua whakahoutia hoki etahi o nga mea kua